

جریدہ علمیہ

مشیت جلیلہ، اسلامیہ نمک، جریدہ، رسمیه سیدر

غرہ رمضان سنہ ۱۳۳۲

عدو : ۳

آبدہ بر نشر اول نور

برنجی سنہ

کتاب المخاض والسجلات

« اعلامات شرعیہ نك امر تنظیمندہ نظره آلمسی مقتضی خصوصاته دائر وصایای مهمہ فی محتوی در »

— مابعد —

نمونہ : ۲

... قضای محلاتندن ... محله سی اہالیسندن و ... اصنافندن صاحب
عرضحال حاجی احمد اغا زادہ علی افندی ابن حاجی احمد اغا مدینہ مذکورہ
محکمہ سندہ مجلس شرعہ مدینہ مذکورہ نك ... محله سندہ ساکنہ و ذاتی
تعریف شرعی ایلہ معرفہ فاطمہ خانم ابنۃ محمد خلوصی افندی مواجہہ سندہ
کذلک مدینہ مذکورہ نك ... محله سی ساکنرندن و ... طاقتہ سندن چلنکر
اوغلی حسن آغا ابن شکری افندی حاضر اولدینی حالہ بروجہ آتی دعوی ایلدی .

تاریخندن بش آی مقدم یعنی اشبو سنہ مبارکہ ربیع الاولنک برنجی ... کوئی
مزبورہ فاطمہ خانمی بکا تزویجہ وکیل تعیین ایلدیکم فلان بن فلان نام عاقل ...
محله ... نك منزلندہ عقد ایدیلان مجلسدہ و محضر شہوددہ عاقل و بالغ اولوب
بالجملہ مواعدن خالی اولدیغمز حالہ مزبورہ فاطمہ خانمہ خطاباً «سنی موکلم حاجی
احمد اغا زادہ علی افندی یہ تزویج ایلدم» دیدکدہ مزبورہ فاطمہ خانم دخی مجلس
تزویجہ قبول ایدوب بو وجہلہ زوجہ غیرمدخول بہام ایکن بکا اطاعت و حقوق
زوجیتہ رعایتدن امتناع ایدر اولغلہ سؤال اولنوب بکا اطاعت و حقوق زوجیتہ
رعایتہ مزبورہ فاطمہ خانمہ تنبیہ اولنق معلومدر .

لدی السؤال مدعی علیہا مزبورہ فاطمہ خانم دخی جوابندہ مزبور علی افندی
ایلہ بینمزدہ نکاح وقوعبولامشدر . حتی بن بو آدمی طانیم دیدی و حاضر مزبور
حسن اغا دخی تاریخ مذکورہ ... محله ... نك منزلندہ و محضر شہوددہ عاقل
و بالغ و مواعدن خالی اولدیغمز حالہ بن مزبورہ فاطمہ خانمی ۵,۰۰۰ غروش
مهر معجل و ۳,۰۰۰ غروش مهر مؤجل تسمیہ سیلہ تزویج ایتدیکمدہ اولدخی
مجلس تزویجہ اول قدر مهر ایلہ قبول ایلدی بو جہتلہ بنم زوجہ غیرمدخول بہامدر
دیو دعوی و ہرری دیگرینک دعواسنی انکار و ہر ایکسی دخی مزبورہ فاطمہ
خانمہ ذی الید اولدقلرینی صراحتہ بیان ایلدیلر .

لا
ش
ر
ع
ی
ہ

م
ز
ب
و
ر
ہ

م
ز
ب
و
ر
ہ

اسباب بیتی و اسباق شهود

مدعیان مزبوراندن بر منوال مشروح نکاح مدالینہ بینہ طلب اولندقدہ مدعی مزبور احمد اغا . . محله سی اہالیسندن و . . اصنافدن فلان بن فلان ایله کذلک محله مذکورہ دن و . . اصنافدن فلان بن فلانی مجلس شرعہ احضار ایتمکله شاهدان مزبوراندن ہر بری علی الانفراد استشہاد اولندقلرنده تاریخدن بش آی مقدم یعنی اشبو سنہ مبارکہ ربیع الاولنک غرہ سی . . کونی . . محلدہ . . نک منزلندہ و بزیم حضور مزندہ مدعی مزبور علی اقدینک ذاتی عارفان اولدیغمن مزبورہ فاطمہ خانمی نفسنہ تزویجہ و کیلی فلان بن فلان نام کسمہ مزبورہ فاطمہ خانمہ خطابا «سنی موکلم حاجی احمد اغا زادہ علی اقدی یہ تزویج ایلدم» دیدیکنندہ مزبورہ فاطمہ خانم دخی مجلس تزویجہ قبول ایلدی و حین عقد نکاحہ مزبور علی اقدی ایله مزبورہ فاطمہ خانم عاقل و بالغ و موافق نکاحدن خالی ایدیلر بن بو خصوصلرہ بو وجہلہ شہادت دخی ایدرم دیو ہر بری بالمواجہہ برنہج شرعی ادای شہادت ایلدکلری کبی حاضر مزبور حسن اغا طرفندن احضار اولان . . محلدن و . . اصنافدن فلان بن فلان و فلان بن فلان بعدالاستشہاد حاضر مزبور حسن اغا تاریخ مذکورہ . . محلدہ . . نک منزلندہ و بزیم حضور مزندہ عاقل و بالغ و موافق نکاحدن خالی اولدقلری حالہ اشبو ذاتی عارفان اولدیغمن فاطمہ خانمی ۵۰۰۰ غروش مہر معجل و ۳۰۰۰ غروش مہر مؤجل تسمیہ سیلہ تزویج ایلدیکندہ اول دخی مجلس مذکورہ قبول ایلدی بوجہتلہ مزبورہ فاطمہ خانم مزبور حسن اغانک منکوحہ سیدر بز بو خصوصہ بو وجہلہ شہادت ایدرز دیو ہر بری بالمواجہہ برنہج شرعی شہادت ایلدیلر .

اسباب بیتی و اسباق شهود

شاهدان مزبوران فلان بن فلان و فلان بن فلان منسوب اولدقلری محله مذکورہ امامی فلان بن فلان و مختار اولی فلان بن فلاندن اولاً باورقہ مستورہ سرآ و بعدہ طرفین و شہادلر حاضر اولدقلری حالہ مزبوراندن علناً تزکیہ اولندقلرنده عادل و مقبول الشہادہ درلر دیو اشعار و اخبار اولندیگی کبی کذلک شاهدان مزبوران فلان بن فلان و فلان بن فلان دخی منسوب اولدقلری محله مذکورہ امامی فلان بن فلاندن اولاً باورقہ مستورہ سرآ و بعدہ محله مذکورہ اہالیسندن فلان بن فلان و فلان بن فلاندن طرفین و شہادلر حضور لریلہ علناً تزکیہ اولندقلرنده عادل و مقبول الشہادہ درلر دیو اشعار و اخبار ایلدیلر

مورد

ایکی طرف دخی عین زمانده وقوع نکاحی اثبات ایتش و محاکم اشتراکه عدم قابلیت حسیله ایکی بینده مهتر بولنش و مزبورده فاطمه خانمك قولنه مراجعت ایدلمك لازم کلمش اولدیغدن مدعی علیها مزبورده فاطمه خانمدن مزبوران علی افندی و حسن اغالردن هانکیسنك منکوحه سی اولدینی صورلدقده مزبور حسن اغانك منکوحه سی اولدینی سویلکین موجبجه مدعی مزبور علی افندی بلایینه مقبوله برمنوال محرر نکاح دعواسیله مدعی علیها مزبورده فاطمه خانمه معارضه دن منع اولدینی تسجیل و اعلام اولندی فی الیوم الحامس عشر من شعبان المعظم لسنة اثنین وثلثین وثلثمائة والف

اشبو صورته دائر ایضاحات :

سندات شرعیه دهده مدعی و مدعی علیه کبی طرفیندن معدود و دعواده حضورلری مشروط اولان کسه لرك دخی آخردن امتیاز ایده جك صورتده اسم و شهرت لریك ذکر و بیان اولملری لابد و طرفین بیننده جریان ایدن محاکمه نتیجه سنده و یریه جك حکم ، اکر شخص ثالث حقوقنی محل اولورسه شخص ثالث مزبورك دخی حضوری شرطدر . مسائل مخمسده اولدینی کبی [۰] نه کیم عقد بیعدن صکره و مبیع مشتری به تسلیم اولمزدن اول شفیع ادعای شفعه ایده جك اولسه بو دعواده هم بایعك همده مشتریك حضوری شرطدر . بایعك حضوری شرطدر زیرا مبیع کندی یندن اولوب شفیع آنك بدینك ازاله سنی ایستور . مشتریك حضوری شرطدر . چونکه ملکیت مشتریده اولوب شفیع آنك ملکینك ازاله سیله کندی ملکیتنه نقلی طلب ایلیور بو صورتده بونلرده نتیجه به کوره محکوم له و یا علیه اوله جقلرندن محکوم له اولدقلرنده احتجاج ایدیه بیلملری محکوم علیه اولدقلرنده علیه لرینه احتجاج واستناد اولنه بیللمسی ایچون هر حالده وثیقه ده اشتباهی دفع ایدر صورتده ذکر و تعریف اولملری اقتضا ایدر . ذکر و تعیین اولمدقلری تقدیرده اعلام

[*] صورت مذکورده اولدینی کبی زوجی بولنان زوجه نك نکاحی دیگر کسه طرفندن دعواده زوجك ؛ معتدنه نك نکاحی دعواده طلاق واقع رجعی اولسون باین اولسون زوج مطلقك ؛ زوج زوجه سنك طلاقنی بر قادینی تزوجه تعلیق ایتدکنصکره زوجہ شرطك وقوعنی ادعا و زوج انکار ایتدکنه روایت اصحه کوره او قادینك حضورلری شرطدر .

* *

اب قبل الزفاف قزی بکر بالغه نك مهرینك تسلیمنی دعوی ایدوب زوج نکاحی اقرار ایتدکنه زوجہ نك ؛ مواجهه زوجده حسیه طلاقه شهادتده زوجة مطلقه نك ؛ بر کسه بالغه نك حال صغرنده باباسی انکاح ایتش اولدینی ادعا ایله نکاحی دعوی ایتدکنه ابك حضورلری شرط دکلدن .

مختل وغير صحيح اولور . بوكا مبنيدر كه زوج مزبورك وباباسنك اسمى ، صنعتى ، بلده ومجلمسى ايله ذكر وتوصيف اولمش ودعواده حاضر بولندينى كوسترلمشدر .
حضورلرى شرط اولمى حسييله دعوى ومحاكمهده حاضر بولنان كسان وثيقهده ذكر اولندقلرنده اصول وقواعد صك ايجانجه هانكى موضعهده ذكر اولنلرى لازم كليورسه اوراده ذكر اولنليدرلر .

بدايه حاضر اولندقلرنده تشكيل طرفين فقره سنده مدعى عليه موقعنده ، مؤخرآ احضار اولندقلرنده محاكمه هانكى صفحه سنده احضار اولنملرش ايسه اعلامدهده دخی او محلهده ذكر اولنور ومؤخرآ احضار اولندقلرى بيان اولنور . وسببى دخی اىروجه كوستريلير . بونلر موقعلرينك غيرى بر محلهده ذكر اونسه لرموجب تردد واشتباه اولدبجه مجرد اول وجهيله بيانك موقعنك غيريده واقع اولمى اعلامك نقصى موجب اولمزسهده فقط داعى تردد واشتباه اولنجه اعلام رد ونقض اولنور .

— مثلاً : محاکات قسمنده هيچ كوسترليوبده قرار محلنده فلان حاضر اولدينى حالده تفهيم اولندى دينلسه بواعلام قبول اولنماز .

تنبهات :

براعلام اسباب آنفهدن نقض اولندكده نظر اولنور اكر اعلامك ضبطى نقصان واقعى حله كافى وضبطى تنظيم ايدن حاكم دخی دكيشماش ايسه نقصان مذكور ضبطدن اصلاح وتصحيح اولنور يكيدن محاكمه اجراسى اقتضا ايتز . فقط ضبطى دخی اعلام كجى مختل وياقاضى دكيشماش بولنورسه بالطبع ارتلق اعلام تصحيح ايديله مز . يكي باشند حادثه نك حل وفصلى ايله وثيقه صحيحه ربطى اقتضا ايدر .

مثلاً : بر اعلام ؛ مدعى ويا مدعى عليها ويا شاهد اولق اوزره حاضر بولنان قادينك ذاتى على الاصول تعريف ايدلديكى بيان ايدلماش اولمى جهتيله رد ايدلسه مزبورده نك ذاتى تعريف ايدلديكى اصولى دائره سنده ضبطده مذكور ومقيد اولنجه خلل مذكورك ضبط مذكوردن تصحيحى جائز اولور .

وكذلك ثبوت نكاحه متعلق بر اعلام ؛ ادعا اولنان نكاح محضر شهودده اولدينى بيان ايديله نك تصحيح دعوى ايدلماش اولمى سيبندن طولايى نقص ايدلسه دعواى مذكوره اول صورتبه تصحيح ايدلماش وبوجهله تصحيح اولندينى ضبطده مذكور بولنمش اولنجه اعلام مذكور ضبطدن تصحيح اولنه بيلير .

و کذا بر اعلام ؛ مدعی علیک جوابی مجمل و مفاد صحیح غیر منفهم اولسی حسیله رد اولسه جواب ضبطده موضحاً مبین ایه ضبطده اولدینی کی اعلامه موضحاً درج ایدلمکله اعلام تصحیح ایدلش اولور .

و کذا بر اعلام ؛ فقره حکمیه ده محکوم به ذکر ایدلماسی تقیصه سندن ناشی رد ایداسه محکوم به ضبطده محرر اولنجه اعلامه درجیله اعلامک تصحیحی جائز اولور .
خلل واقعک ضبطندن تصحیحی غیر ممکن یعنی اعلامده ارانیلان جهت ضبطده غیر محرر اولنجه قاضی بواعلامی کندولکندن تصحیح و ضبط واعلامه برکله و حتی بر حرف علاوه ایده میه چکی کی ضبط صحیح و اصولنه موافق اولسه دخی قاضی دیکشد کدنصکره الیوم مرعی و متعامل بولنان اصوله کوره قاضی لاحق اعلامی قاضی سابقک ضبطندن تصحیح ایده مز . فتواخانه جه بواصول محافظه اولنور .

*

**

دعوی و جوابه متعلق افادات دخی منسوب اولدقلری فقره لرده یازلق لازم کلیر .
دعوی و جواب متعدد جلسه لرده و حتی خصمک جوابندن صکره ایضاح ایدیلهرک ترتیه کوره ضبط ورقه سنده مواضع متعدده محرر اولسه دخی اعلامده جمع ایدیلهرک بریرده یعنی دعوایه عائد افادات دعوی فقره سنده، جوابه راجع بیانات دخی جواب فقره سنده کوسترلمک ایجاب ایدر .

مثلاً : اب ایله جدک غیری اولیادن برینک انکاخنه متدائر دعواده تسمیه ایدیلان مهرک مهر مثل اولدینی و زوجک کفو بولندینی مدعی علیهانک استجوابندنصکره بیان ایدلمسی حسیله ضبطده جوابدن صکره تحریر اولسه اعلامده دعوی فقره سنه آله رق اوراده یازلمسی اقتضا ایدر .

مع هذا قاضی ؛ دعوی صحیح و تام اولدقجه خصمی استجواب ایتما ملیدر زیرادعوی صحیح و تام اولدقجه مدعی علیه جواب ویرمک واجب اولماز بواساسه رعایت اولنورسه علی الاکثر دعوانک حلی قولایلشور . یاشایان استماع کورلمزده رد ایدیلیر و یا مسئله توضیح ایدهرک بلامشکلات حل اولنور .

توکیلله اشهاد اولندینی بیان اولنما مشدر . چونکه توکیل محتاج اشهاد دکلدرد یعنی توکیلک صحتی ایچون اشهاد شرط دکلدرد . اشهاد انکار و وقوعنده اثبات ایده بیلیمک ایچون یاپیلیر . اشهاد شرط اولدینی ایچوندرکه زوجه و زوجه خطابا سن بنی هر نه زمان تطبیق ایدرسه ک

تکرار بنی نفسکه تزویجہ سنی وکیل ایتدم دیوب زوج دخی قبول ایتدکن صکرہ زوج
آنی برطلاق بائن ایله تطلق ایدوب بعدہ محضر شہودہ بن مطلقہم فلانہ یی نفسہ تزویج
ایتدم دیسہ زوجہ سنی تکرار تزویج ایتمش اولور .

«عاقل» قیدی وکیلک غیرعاقل اولسندن احتراز ایچوندور. زیرا وکیلک عاقل اولسی
شرطدر. بالغ اولسی شرط دکلدر. بونک ایچون بالغ اولوب اولدیغنه تعرض ایدلامشدر.
بوکبی قیود وقوعیه نک ذکرینه حاجت یوقدر زیرا ترکنده محذور اولیان قیود موجود
اولقی اولماق مساویدر.

تاریخلر بیان اولدینی کبی دخول ویاید بولمیدینی دخی بیان اولمشدر. چونکہ
تاریخلر مساوی اولینجه حکم دیکشه جکی کبی مساوی اولوبده دخول ویاید بولندقدہ
ینہ حکم دیکشور .

تاریخلر مساوی اولدینی صورتده مطلقا یعنی دخول ویاید بولنسون ، بولنسون ،
مرأہ دیکرینی تصدیق ایتسون ، ایتسون تاریخی اسبق اولانک ینہ سی ترجیح اولنور.
چونکہ بالینہ ثابت اولان شی عیانا ثابت کیدر. کرچه دخول ویاید سبق عقدہ دلیل
ایسہدہ دیکر طرفک نکاحنک اسبق اولدیغنه ینہ قائم اولنجه سبق یدہ اعتبار ایدلنر
چونکہ صراحت مقابلہ سندہ دلالتہ اعتبار یوقدر.

تاریخلر مساوی اولوبده مرأہ برینک مدخول بہاسی بولندقدہ تمکن من الدخول سبق
عقدہ دلیل اولدیغندن مرأہ یہ داخل اولانک ینہ سی قبول اولنور.

تاریخلر مساوی و مرأہ برینک یدندہ اولدینی صورتده کذلک صاحب یدک ینہ سی
ترجیح اولنور.

صورت مذکورہدہ اولدینی کبی تاریخلر مساوی اولور دخول وید دخی بولنر سہ
قخیسنک ینہ سی تزکیہ اولنور سہ آنک ینہ سیلہ حکم اولنور. فقط ہر ایکسی دہ تزکیہ
اولنور سہ محل ، اشتراکی قبول ایتدیکی و بناءً علیہ ہر ایک ینہ ایلہ عمل متعذر اولدینی
جہتلہ ینہ لر تہاتر ایدہ رک هیچ بریلہ حکم اولنماز مرأہ نک تصدیقہ مراجعت اولنور.
مرأہ ہانکیسنی تصدیق ایدرسہ مرأہ مزبورہ آنکدر . هیچ بریسنی تصدیق ایتزایسہ
بینلری تقریق اولنور . بوکا بناءً درکہ اشبو نمونہدہ ینتیندن هیچ بریلہ حکم اولنیوب
زوجہ نک قولہ مراجعت ایدلش زوجہ حاضر مزبوری تصدیق ایتدیکی جہتلہ مدعی
معارضہ دن منع ایدلشدور.

آنفاً بیان اولنان احکام قادینک حیاتنده واقع اولان نزاعده در. اما بعد الوفاة نزاعده، اقرار و ید معتبر دکلدر بو منازعهده مقصود محک استماعی اولیوب مال و میراندر. بناءً علیه هرایکسی ده بینه اقامه ایدرلر سه تاریخی اسبق اولان کسه ایچون نکاح و میرانله حکم اولنور و بو کیمسه اوزرینه تمام مهر لازم اولور. اگر تاریخ بیان ایتمز لرو یا ایدرلر ده مساوی اولور سه هرایکسی ایچون حکم اولنور بو صورتده هر بری اوزرینه نصف مهر واجب اولور و متوفاته برزوج ارثیه وارث اولور لر یعنی ترکه سندن برزوجه اصابت ایده جک حصه بی الورلر.

حال حیاتده نزاع ایله بعد الوفاة نزاع آره سنده فرق شودر که بالاده ذکر اولندی فی اوزره حال حیاتده دعوان مقصد مرأه در مرأه ایسه شرکته صالح دکلدر بعد الوفاة مقصد ایسه میراندر میراث ایسه مال اولدینی جهته انده شرکت قابلد.

کوک حال حیاتده و کورک بعد الوفاة بر مرأه ده ایکی و یا زیاده کسه لک نزاعلرنده موجود اولان احتمالاتک احکامنه مطلع اولق ایچون محیط برهانی و مبسوط سرخسی کبی مفصلاته مراجعت ایدملیدر.

قاضینک توقیع حکمده استعمال ایده جکی الفاظ اسباب ثبوتیه و حکمیه نک اختلافیه و دعوانک نوعه کوره مختلف اولور، الزام، تنبیه، بلاینه معارضه دن منع، بلاوجه شرعی معارضه دن منع کبی.

الزام، اقراره و تنبیه، شهادته بناءً اعطا اولنان حکمی بیانده استعمال اولنور. مثلاً: مدعی، مدعی علیهدن شو قدر غروش آله جق دعوی ایدوبده مدعی علیه اول قدر غروش بورجی اولدینی اقرار ایتسه مبلغ مذکورک مدعییه اداسیله مدعی علیه الزام اولندی و مدعی علیه انکارینه مقارن دعواسنی بالینه اثبات ایتدکده مبلغ مذکورک مدعییه اداسیله مدعی علیه تنبیه اولندی دیو یازیلیر.

مدعا بالینه اثبات ایدیه مدیکی مدعی علیه تکلیف اولنان یمینی ایفاسیله نتیجه لنان دعاویده بلاینه معارضه دن منع تعیری استعمال اولنور.

مثلاً: مدعی مدعی علیهدن سنده جهت قرضدن شو قدر غروش آله جفم وارد ایسترم دیو دعوی ایدرولدی الانکار دعواسنه بینه اقامه ایده من و طالب تحلیف دخی اولماز و یا اولورده مدعی علیه یمین ایدر سه مدعی دعواسیله مدعی علیه بلاینه معارضه دن منع اولندی دیه توقیع حکم قننور.

اشبوع اعلامده اولدینی کبی طرفینک اقامه ایتدکاری بینهلر تهاثر ایدوب معارضه دن منع لازم کلدکده بلاینه مقبوله معارضه دن منع اولندی دیمک مناسبدر بونک ایچون صورت مذکورده مدعی علیه اعطا اولنان حکم بلاینه مقبوله معارضه دن منع اولندی تعیریله بیان اولنشدر .

اساساً یارسیدن طولانی مسموع اولیان دعاویده بلاوجه شرعی معارضه دن منع تعیری استعمال اولنور .

مثلاً : مدعی نکاح موقت ادعاسیله اطاعت دعوی ایلسه مدعی دعوی مذکورده سیله مدعی علیه بلاوجه معارضه دن منع اولندی دیویازیله جفی کبی مدعی نکاح دعوا ایدوبده مدعی علیه مدعی کندوسنی طلاق باین ایله تطلیق ایتدیکنی ادعاواثبات ایتدکده کذلک مدعی دعواسیله مدعی علیه بلاوجه شرعی معارضه دن منع اولندی تعیر اولنور .

مرور زمان سلطانی کبی برسیدن ناشی بلا امر عالی مسموعه اولیان دعوالرده بلا امر عالی دعوی مذکورده سی مسموعه اولدینی ویا خود بلا امر عالی دعوی مذکورده نک استماعدن حکام ممنوع بولندینی مدعی به تفهیم اولندی تعیرلری و مرور زمان اجتہادی به بناء استماع اولنمان دعاویده دعوی مذکورده سی مسموع اولدینی مدعی به تفهیم اولندی عباره لری استعمال اولنور .

اشبو نمونه نک حاوی اولدینی قیود سائر ایچون بوندن اول یازیلوب جریده علمییه نک ایکنجی نسخه سنده نشر ایدیلان نمونه نک قیودینه دائر اولان تشریحاته مراجعت ایدلملیدر .
« فهذه الصورة التي كتبناها في هذا السجل اصل في جميع السجلات لا يتغير شيء مما فيها الا الدعاوى فان الدعاوى كثيرة لا يعد ما الا حصاء ولاياتها الا - تقصاء وليس كتاب السجل الا اعادة الدعوى المكتوبة في المحضر بعينها واعادة لفظ الشهادة في سائر السجلات على نحو ما بيناه . جامع الفصولون »

نصب و تعیین

آطنه ولایتده نمرون ناحیه سی نایبی محمد صبری وقونیه ولایتده بلویران ناحیه سی نایبی مصطفی عاصم اقدیلر عزل اولنشلردر .

مخلفات عمومییه قساملنی ترکه مأمور ائنه میزرجب و آنک یرینه برنجی صنف کتبه دن محی الدین و آنک یرینه ایکنجی صنفدن مصطفی صبری و آنک یرینه اوچنجی صنفدن کاظم و آنک یرینه دردنجی صنفدن شکری و آنک یرینه ده موظف ملازم صالح صبری اقدیلر تسلسلاً ترفیع اولنشلردر .